


Keltut, džilabel aj dés duma tirre bebetosa!

But ando pravarimos la chíbake arakelpes maj anglunes sar kana e glata šhaj te del duma. Kathe das tut tipsurja pa sar šhaj te žutis tirri glata te arakel e chíb!



O Bokstart (angluni kniška) si jekh nacionalno bući savi si dadenge aj dejange aj manušenge save si pašal çigne glati (0–3 berš), ando skopo te vazden o anglunes pravarimos la chíbake.
bokstart.se

Bokstart

1 Dé duma, dé duma, dé duma

E glata musaj te šunel maj anglal te aštil maj palal te kerel. Naj importanto pa so des duma – e chíb la glatake pravarijol kana šunel tut sar des duma!

2 Astar ko divano

Anzar situaçi te keres musaj la glatake te del duma. An anglal variso pherasaske činitoarka vaj xabé so astarel, aj muk e glata te phenel ke kamen e činitoarka vaj ol xabé.

3 Dé duma ande ne dejaske chíb

Dé duma, džilav aj djin ne tirii dejaske chíb. Te si ke tu des duma ne tirri dejaske chíb vi la glatake chíb pravarijol maj but. Le çigne glati vušoro-i lenge te sičion maj but chíba pa jekh data.

4 Muk e glata te sikavej le najesa

Tirri glata ačarel but vorbí anglunes te sičol pes te del duma. Puš pala vorbi save e glata šhaj te sikavel le najesa. Atunči si te arakhes so but e glata aba ačarel.

5 Dé duma pa kodo so keren

Dé duma pa kodo so keren kethanes. Te si ke kelentumen le trenosa aj tu mothos pa o treno maj vušoro si la glatake te kerel e konekčia maškar e nevi vorba aj e gelí.

6 Djin aj dé duma

Jekh lil šhaj te del but gelí pa so te den duma. Maj but si te avel tumen jekh šukar vramja kethanes. Dikhen aj den duma kethanes pol patreturja ando lil!

7 Djin, den duma aj kelen tumen le lilença, te aštin sakon dés!

Ža dur kana keres hangurja aj miškimata. Le çigne glati si lenge drago le kontrasturja. Sičion pen maj sigo te si ke žas dur ando pheras aj thos tono kana phenes glasosa aj keres miškimata. Sar eksemplo mothov: "Dikh so bari bolá", aj sikav le glasosa aj le vastesnça sar si de bari e bolá.

